



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09 i 18/13), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2022. godini broj: 02-04-10691-41.1/22, utvrđen Zaključkom Vlade Kantona Sarajevo broj: 02-04-10691-41/22 od 17.03.2022.godine, broj: 02-04-26792-39.1/22, utvrđen Zaključkom Vlade Kantona Sarajevo broj: 02-04-26792-39/22 od 07.07.2022.godine, broj:02-04-10273-2.1/23, utvrđen Zaključkom Vlade Kantona Sarajevo broj: 02-04-10273-2/23 od 11.04.2023.godine i broj:02-04-22103-46.1/23, utvrđen Zaključkom Vlade Kantona Sarajevo broj: 02-04-22103-46/23 od 18.05.2023.godine o b j a v l j u j e;

JAVNI POZIV POSLODAVCIMA

DA SE PRIJAVE ZA UČEŠĆE U PROGRAMU SUFINANSIRANJA ZAPOŠLJAVANJA NK, PK I NSS

I

U cilju realizacije Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2022. godini, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva poslodavce koji su registrovani na području Kantona Sarajevo da prijave potrebu za zapošljavanjem nezaposlenih osoba prijavljenih na evidenciju nezaposlenih u Kantonu Sarajevo, a koje se na evidenciji nezaposlenih u Kantonu Sarajevo vode kao NK, PK i NSS.

Cilj Programa sufinansiranja zapošljavanja NK, PK i NSS (u daljem tekstu: Program) je kraće trajanje nezaposlenosti nekvalifikovanih nezaposlenih osoba i povećanje mogućnosti njihovog stalnog zaposlenja

II

Planirana sredstva za ovaj Program su 1.920.000,00 KM, a cilj je zapošljavanje 200 nezaposlenih osoba sa NK, PK i NSS, a koje su prijavljene na evidenciju nezaposlenih u Kantonu Sarajevo.

Služba će poslodavcima koji budu obuhvaćeni ovim programom, mjesečno, 12 mjeseci, refundirati sredstva u ukupnom iznosu od 800,00 KM, po novouposlenoj osobi iz ciljne kategorije, za cijelu ili dio isplate bruto plaće.Svi drugi eventualni troškovi padaju na teret poslodavca.

Pravo učešća u Programu imaju nezaposlene osobe koje se na evidenciji nezaposlenih vode kao NK, PK i NSS, prijavljene na evidenciju nezaposlenih u Kantonu Sarajevo, te poslodavci sa područja Kantona Sarajevo.

III

Poslodavci koji žele učestvovati u Programu dužni su:

1. podnijeti aplikaciju u roku predviđenom u javnom pozivu,
2. uz aplikaciju u originalu ili ovjerenoj fotokopiji priložiti:
 - rješenje o registraciji u Kantonu Sarajevo (za pravna lica koja su u skladu sa Zakonom obavezna izvršiti upis u sudski registar, aktuelni izvod iz sudskog registra poslodavca ne smije biti stariji od 60 dana od dana podnošenja aplikacije),
 - uvjerenje o poreskoj registraciji sa identifikacionim brojem,
 - uvjerenje o izmirenim obavezama po osnovu poreza i doprinosa ne starije od 60 dana od dana prijave na javni poziv sa listingom o trenutnom broju zaposlenih (izdat od strane Porezne uprave Federacije Bosne i Hercegovine),
 - uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik ne starije od 60 dana od dana prijave na javni poziv (izdat od strane Uprave za indirektno oporezivanje Bosne i Hercegovine), a ako podnosilac aplikacije nije PDV obveznik, dostavlja izjavu ovjerenu kod nadležnog općinskog organa ili notara da nije PDV obveznik i
 - potvrdu ili ugovor banke o otvorenom glavnom računu poslodavca (ako je poslodavac budžetski korsnik šifra budžetskog korisnika).

Poslodavci koji redovno ne izmiruju obaveze uplate javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru kao ni poslodavci koji nemaju nijednog radnika ili osobu prijavljenu na penzijsko – invalidsko osiguranje.

IV

Poslodavcu se neće sufinansirati zapošljavanje osoba koje je već zapošljavao, a kojima je prestao radni odnos kod tog poslodavca u posljednjih 12 mjeseci do dana objave javnog poziva za ovaj program.

V

Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.

Izuzetno, odredbe prethodnog stava ovog člana ne odnose se na poslodavce iz javnog sektora.

VI

Prilikom vrednovanja aplikacija, prednost će imati poslodavci sa trenutno većim brojem zaposlenih, poslodavci kod kojih je došlo do povećanja broja zaposlenih u odnosu na prethodni Program sufinansiranja zapošljavanja koji su koristili, a koji je okončan, poslodavci koji trenutno nisu korisnici programa sufinansiranja zapošljavanja koje finansira Federalni zavod za zapošljavanje ili Služba, poslodavci koji se prvi put javljaju za učešće u programima sufinansiranja zapošljavanja, poslodavci sa većinskim privatnim vlasništvom.

U slučaju istog broja bodova prednost će se davati poslodavcu koji je prije podnio aplikaciju za učešće u ovom programu.

Služba zadržava pravo da na osnovu vlastite procjene i stvarne potrebe aplikanta, vrši predlaganje broja osoba iz ciljne skupine koje će se sufinansirati.

VII

Javni poziv za Program ostaje otvoren do 16.06.2023.godine.

Služba će sa poslodavcima koji budu obuhvaćeni Programom, zaključiti ugovore kojima će biti regulisana sva prava i obaveze ugovornih strana u skladu sa Programom.

Rok za realizaciju Programa je 18 mjeseci od dana potpisivanja pojedinačnih ugovora, uključujući i eventualne anekse ugovora.

VIII

Obrasci za podnošenje Aplikacija mogu se dobiti u Službi u Odjeljenju za podsticajne mjere zapošljavanja, ulica Đoke Mazalića 3, kancelarija br.15/I, općinskim biroima ili preuzeti sa web stranice Službe www.szks.ba.

Nepotpuni i neblagovremeni zahtjevi neće se uzeti u razmatranje.

IX

Rezultati ovog javnog poziva biće objavljeni na web stranici Službe.

X

Aplikacije sa potrebnom dokumentacijom, podnose se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, ulica Đoke Mazalića broj 3, u zatvorenoj koverti sa napomenom: „Za Program sufinansiranja zapošljavanja NK, PK i NSS“.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-084.